

詹事府則例



詹事府則例

一設官。順治元年。設少詹事一人。掌府事。本年十一月。裁職。掌統於內三院。○九年。復設詹事一人。少詹事二人。主簿一人。錄事二人。通事舍人二人。左右春坊各設庶子一人。諭德一人。中允二人。贊善二人。司經局設洗馬一人。正字二人。均漢員。令內三院官兼之。專設滿詹事一人。掌府事。○十五年。裁詹事府官。○康熙十四年。復設滿漢詹事各一人。滿漢少詹事各二人。滿漢主簿各一人。滿漢錄事正字各一人。左右春

坊設滿漢庶子各一人。滿漢諭德各二人。中允各四人。滿漢贊善各四人。司經局滿漢洗馬各一人。清文筆帖式五人。清漢文筆帖式五人。○三十七年。裁滿少詹事。右諭德左右中允左右贊善各一人。正字錄事各二人。○三十八年。裁漢右中允右贊善各一人。正字錄事各一人。清文筆帖式二人。清漢文筆帖式二人。○五十二年。裁漢右諭德左中允左贊善各一人。錄事一人。○乾隆十三年。裁漢少詹事一人。滿漢左諭德各一人。

一兼銜詹事兼翰林院侍讀學士銜少詹事兼侍講學士左庶子兼侍讀右庶子兼侍講洗馬兼修撰中允兼編修贊善兼檢討正字以中書舍人兼攝。

一日講。

皇太子講官滿二人漢四人以詹事府坊局官暨翰林院官充補日以講官滿一人漢二人輪直進講正本先期送進副本由司經局正字繕寫講官恭奉進講每日早講官進至前星門外坐。

賜茶候內使出引至

毓慶宮

惇本殿行一跪三叩禮進至講案前

皇太子先講本日書畢滿漢講官以次進講先講

四書後講五經講畢各退

皇太子日講之期新歲開印後請

旨開講遇

上躬祭

壇

廟與三大節慶賀日停講忌辰停講外雖寒暑齋戒日

期及封印後均不停講至歲暮裕祭齋戒日始
暫停

一會講每歲二月八月

上御經筵後欽天監擇吉具題

皇太子行會講禮是日

皇太子恭詣

傳心殿告祭禮成升

主敬殿座各大臣官員排班序立行二跪六叩禮

退立原班滿漢講官詣講案前一跪三叩以次

進講先四書後五經講畢同大臣官員等退出

殿外丹墀下兩傍序立。仍行二跪六叩禮畢。各退。

○講章由詹事府先期送進。講官滿漢各二人。一撰文。凡元旦。冬日至。

皇太子千秋。在內王公百官。在外文官督撫以下。臬司以上。武官提鎮以下。副將以上。均應具箋稱賀。其箋文定式。由詹事府撰文進。

呈。頒發中外。

一集議。詹事府職掌。均與翰林院同。惟驗看月官。每歲朝審。詹事。少詹事。皆入班。詹事。坐於大理寺卿之次。少詹事。坐於右通政。大理寺少卿。

之次。九卿會議大政。有奉

旨令。九卿詹事科道議者。班次與前同。

一升除。順治九年題準。詹事以下。正字以上。由

內院題補。主簿以下。由吏部題補。○十一年題

準。詹事府坊局等官。均移咨吏部題補。○康熙

十四年議準。滿漢詹事。由吏部開列題補。滿少

詹事坊局等官。由吏部以應升官擬正陪題補。

漢少詹事坊局等官。由府會同翰林院。將應升

官擬出。咨送吏部題補。○四十八年議準。凡本

府官一應升轉。均以從前編檢任內俸通論。○

雍正二年定凡遇升轉由府會同翰林院以應
升官并其次應升官職名一并咨送吏部題請

簡用



